



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Leo & Draco Ecclesi[a]e quomodò est Sathanas. tit. 271

urn:nbn:de:hbz:466:1-29452

Tertiò, hæc non debent nos perturbare, sicut ad-
monet B. Petrus 1. Petr. 1. quòd ad modicum tem-
pus nunc contristabimur: reposita est enim nobis in-
corruptibilis corona, quæ breui manifestabitur no-
bis, idè ad patientiam nos armare debemus, ex quo
sic est diuina voluntas, qua hæc omnia fiunt: saltem
hoc interea faciamus, quod Christus docet, Mat. 24.
Orate ne fuga vestra fiat sabbatho vel hyeme, etsi di-
xerint, hic est Christus, aut illic est Christus, nolite
exire domum, id est, vnitatem catholicam, neque cre-
dere. Nolite, nolite credere.

LEO ET DRACO ECCLESIAE

quomodo est Sathanas.

TITVLVS CCLXXI.



Primò, inquit Augustinus in sermone
de vno martyre: Ecclesia pugnavit
prioribus temporibus aduersus leonem,
sed modò aduersus draconem. & quo-
modò Christi virtute victus est leo, sic
quoque vincetur & draco, eò quòd scriptum est Psal.
90. Conculcabis leonem & draconem Leo aperte in-
rascitur, draco & serpens occultè insidiantur, tunc se-
uigit leo, quando bibit sanguinem sanctorum marty-
rum initio Ecclesiae, vbi tot millia pro Christo sunt
interempti. Hebraei. 11. lapidati sunt, secti sunt & car-
tebat omninò extirpare Christi fidem leo ille, id
est, sathanas, sed vicit cum patientia Martyrum, si-
cut Christus docuit, Lucae 21. Ante omnia iniicient
vobis manus suas, & persequentur. & infra: sed capil-
lus capitis vestri non peribit. In patientia vestra possi-
debitis animas vestras, id est, conseruabitis ad vitam
æternam, & sic patientia martyrum vicit leonem ru-
gientem.

Secundò, sathanas draco & serpens est Ecclesiae
per occultam pugnam, qua exeat hæreses, per quas
infidias.

insidiatur, & veneno interficit erroris. Omnib. enim hæreticis, inquit Bernhardus serm. 65. super Cantica. vna intentio fuit, scilicet captare gloriam de singularitate scientiæ, & illam vtcunque nacti, damnis pascuntur postea alienis. Serpens igitur ille, qui primos parentes seduxit in paradiso Genes. 3. sic multos in Ecclesia decepit. Sic olim Euam 2. Cor. 11. corripuit in simplicitate, &c.

Tertio, draco ille signanter tres sectas excitauit in Ecclesia, quibus post martyrium sanctorum Ecclesiam plurimum debilitauit. Prima, Arriana est, quæ fidem Christi, quo ad suam personam plurimum extinxit, negans illius diuinitatem. Hæc plurimum Ecclesiam debilitauit, & magnam portionem Ecclesiæ abstulit. Nam draco cadens de cælo, id est, Diuinitate Christi, traxit secum dimidiam partem stellarum, Apocalyp. 12. Altera secta Mahumetica, à dracone illo erecta, plurimum nocuit Ecclesiæ, quoad vitam Christianam. Nam illa dat omnem libertatem carni, vt quis ducat tot vxores, quot potest enutrire, ieiunia & pia opera abijcit, solus illi venter Deus est, Philipp. 3. & hanc sequitur maxima pars Gentilium & Turcarum propter voluptatem carnis. Illa enim permittit omnia penè, quæ Paulus nobis prohibet, 1. Cor. 9. fornicationem, adulterium, mollitiem, furtum, auaritiam, maledictionem, &c. Tertiam sectam draco ille excitauit, scilicet Nouatianam, qui cepit inuhere in Papam Clerum, & Sacramenta Ecclesiæ, & cæremonias. & hunc secuti sunt multi postea, Donatistæ, Vvigelistæ, Vvaldenses, Pauperes Lugdunenses, Hussitæ, &c. cū quibus hodie bellum gerit Ecclesia. Quæ secta omnem hodiè tollit deuotionē Sacramentorum. Prima secta Arriana destruxit fidem Christi, altera sequelam vitæ Christi, Tertia charitatem & vnitatem corporis Christi. Sic sectarum multiplicatio, est destructio Ecclesiæ. & nisi D E V S custodiret, non

ret, non perstitisset haecenus. Agnoscamus leonem sequentem publice, & draconem occultè insidiantem: at Christus pendens in cruce, serpens ille nos liberat, Ioan, 3.

DE SAPIENTE SINE
operibus.

TITVLVS CCLXXII.



PIRITVSSANCTVS qui reuelavit patribus aduentum Antichristi in nouissimis diebus, hic quoque reuelavit mores & conditiones hominum, quæ illis contingent temporibus, id est, sub præcursoribus hæreticis & mixtis Antichristis, & primū erit, quod sapientia erit sine operibus, multi multa prædicabunt, de Euangelio, fide, charitate, iustificatione, &c. nemo tamen faciet secundum Euangelium, aut ita viuet, sicut decet, maxime prædicatores. Nam Christus incepit facere & docere, Actorum. 1. At Antichristus multa docebit, replebit mundum prædicatoribus, sed nemo faciet. Verbis confitebuntur Christum sed factis negabunt, Tit. 1. Sic erunt concionatores efflati, voluptatum amatores, habentes speciem pietatis, virtutē autē eius abnegantes 2. Tim. 3.

Secundò, auditores tunc dicta facere contemnent, eo quod videbunt opera prædicatorum & vitam à verbis discrepare. Nam nunquam erit efficax auctoritas prædicantis, nisi eam effectu operis, cordi infixit audientis, Medicus, qui sibi non consulit statim eius medicina parui penditur, Ideò inquit Christus Matthæi 5. si sal euauerit, in quo salietur, id est, si doctor aut concionator errauerit, à quo populus emendabitur? Si oculus à videndi officio deficiuerit, quis à manu vel pede, aut reliquo corpore lumen exiget? si pastor errat, oues vbi manebunt: Disciplina igitur ac mores populi ostendunt, qualis sit eorum pastor & doctor, &c. Tertio,